

«УДМУРТ ШАЕР»

Выжы ке юн, писпу йён

Ольга ЗОРИНА

**Йёскалык библиоте-
каысь «Удмурт шаер»
клуб Анатолий Мат-
веев пумиськон
ортчытйз.**

Анатолий Ермилович - «Выжы ке юн, писпу но йён» но «Дорога к счастью: сказание о роде Матвея сына Ивана» документально-художественной книгаослэн авторзы, тодосчи, кивалтон ёзъёсын ужась. Вордйськемын Алнаш ёросын 1934-тй арын.

Улоназ тужгес бадзым дангыськонэз - выжыез. Матвей выжыослэн куат поколенизы сярысь маде Анатолий Ермилович аслаз книгаосаз. Солэн песятаез Алексей Матвеевич 20-тй аръёсы бырылэмзын СССР-ысь ВЦИК-е но РСФСР-ысь ЦИК-е. Семьязы али но утисько «Бздэс Союзысь старостаен» Михаил Калининэн туспуктэмъёс. Нош атаез Ермил Алексеевич ужамын милиам газетамы но - 1940-тй арын со партиен ыстэмын вал «Удмурт коммуна» газетэ редакторлы воштйсе, огдыре кивалтйз «Молот» журналэн но.

Нялтас вераса, Ермил Алексеевичлэн но солэн кузпалызлэн Екатерина Семёновналэн яратонзы пырыз Филипп Кедровлэн «Катя» повестяз но. Бёрысь та повестья «Наталь» нырысетй удмурт опера гожтйз Г. Корепанов.

Синмаськымон семьяез аслаз но Анатолий Ермило-



unadlib.ru

**А. Матвеев Йёскалык библиоте-
текаын.**

вичлэн. Римма кузпалэныз соос ог-огзэс 8-тй классысен яратйзы. Со дырысен ялан чощ, али но ог-огмес туж гажаськом, шуэ. Нош пушгетъёсы - пиналтъёсы-внукъёсы - азинто жеч выжызэс, соос пöлын вань кивалтйсьёс, ужбергатйсьёс, тодосчиос, профессоръёс.

Таچه удмурт семьяос сярысь тросгес гожъяны-вераны кулэ, шуизы ваньмыз сямен вераськисьёс.

- Адымилэн улонэз трослы потэ выжы бордысь - кыгче кидысэз (генъёсыз), сыгче ик емьшез, - шуиз тодосчи Альберт Разин. - Но со борды адымилы аслыз тыршоно на. Берло аръёсэ мон ялан чакласко, малы тодмо-дано, гажано адымиосмылэн нылпиоссы анай-атайзы дорозь уг сузтысьско. Туала вакытэ соос уг но ёрмо, дышетскыны но луонлыкъёсы тросгес. Нош азинлыксы

уг шодйськы. Та ласянь Матвеев выжы висъяське - котькуд выль поколенизы яркытгес но яркытгес луэ. Озыиен, соос валало выжызы азын кыл кутонэз - ответственно-стез, сое дунъяны но данъяны тыршо, золгес ужало.

Авторлэн литература ласянь быгатонлыкъёсызлы жеч дунъет сётйз профессор Анна Зуева.

- Паймоно кадь, чиновникын ужим адыми сыгче яркыт, чылкыт кылын гожъяськыны быгатэ, - шуиз со. - Книгаез лыдзыны кутскиськод но дугдыны уг луы ни, ялан маке вылез, тунсыкоез шеде.

Анатолий Ермиловичез книгаосыз потэмен озыи ик туж шуныт жечкылазы культура но туризмъя министр Владимир Соловьёв, азывыл министр Анетта Сидорова, алнаш бöляктёсыз. ***

Удмуртиез дорзэ сямен яратйз

Любовь ТИХОНОВА

**Йёскалык библиоте-
каысь «Удмурт шаер»
клубын куноын вал
Удмуртиысь дано
журналист, писатель
Нина Ермолаева.**

- Нина Георгиевналэн, Иваново улосысь Шуя городын вордскем нылкышнолэн, улон но творчествен вырон сюресэз узыр, - жытэз кутскиз библиотекаръ Татьяна Николаева. - МГУ-ын дышетскыкуз, вуоно критикен Алексей Ермолаевен семья кылдытйз. Дышетсконзэс йылпумъя-

са, егитъёс улыны Иже интыяськызы.

Егит дыргяз Нина Георгиевна журналистика удысын тыршиз, шаерысьтымь пöртэм удысьёсысь азыветлысьёс сярысь статьяоссэ но очеркъёссэ газет бамъёсын печатлалыз. Собрере соосты нимаз книгаен поттйз. Отйз пероез эшшо но вольытгес луиз - удмурт произведениосты жуч кылэ берыкъяны кутскиз, очеркъёс, мемуаръёс но нылпиослы веросъёс гожъяны öдъяз. Удмуртиез дорзэ сямен ик

юн яратйз. Алексей Афанасьевич улонысь кошкем бере солэсь ужъёссэ калыке вöлмытон борды жабыржабыр басгтыськиз. Н. Ермолаева дасяз но поттйз «Удмурт литератураысь дас дано ним», «Удмурт литература но сое кылдытйсьёс», «Кузубай Герд. Помертная маска» книгаос. Та пумиськон Алексей Афанасьевичез буре ваён жытлы пöрмиз.

Жытэз тунсыко, Нина Ермолаевалэсь творчествозэ дунъяса но данъяса, нуиз профессор Анна Измайлова-Зуева. ***

КЫЛУМЫСЬ

Тöллы нялтас

Ольга ВАХИТОВА


**Мон уг валаськы
Д. Шостаковичлэсь
крезьгурзэ. Отысь
куараослэн ог-огзэс
согыны турттэмзы
пушкам кышкан вор-
дэ. Малы Д. Шоста-
кович лулэз чабъясь
крезьгур кылдыгъям,
шöдыны юрттйз Джу-
лиан Барнслэн «Шум
времени» романзэ. 16+**

Д. Барнс - Англиысь туала писатель. Озыи ке но со туж умой тодэ СССР вакытысь улонэз, сямтёсты, адымиосты - асьме вöзын лапак улэмын кожалод. Нырысь учкыса, книгаын öвöл кадь огъя сюжетэз, учыръёс жук кадь сурасько, соос полэстйсько творчество но власть сярысь малпангёсын.

Романлэн нырысетй люкетэз «Тубат дорын» нимаське. Сталин сөбсьяськон вакытэ Д. Шостакович уйлы быдэ лифт дорын сылэ - вите, ку сое допросэ нуозы. Сталин-а, Жданов-а «Леди Макбет Мценского уезда» операзэ «какофония», «сумбур вместо музыки» шуиллям но, векчи кивалтйсьёс соку ик валаллям: Шостаковичлэсь валантэм крезьгурзэ калыклэсь ватано, асэ пролетариат понна крезьгурас кароно. Но ГУЛАГ-лэн көаз шедёнлэсь со кызыи ке утиське. Озыи ке но чапак тубат вылын ортчытэм уйёс солэн скюлмаз кышкан улэзыто - та дырысен Д. Шостакович советской властез «яратыны» кутске, кинэ косо, соосты курла собраниосын, калыклы валамон крезьгур кылдыгъя. Таچه кылзйськись луэмез понна сое быдэс делегациен чöш ысто Америкае.

Произведенилэн кыкетй люкетаз - «Самолётын» нимаське - мадемын тодмо советской композиторлэн Д. Шостаковичлэн США-ысь калыкен пумиськылэмгёсыз сярысь. Со вера гожтыса дасям текстъёсты, Америкае пегзём И. Стравинский крезьгурчиоз курла, ачиз сое вань сюлмыныз гажа ке но. Пышкылысь юангёсыныз сое пöсе вуттэ озыи ик Америкае көчем кылбурчи В. Набоков. Малпангёсме, гажано адымиосме вузае сярысь табере быдэс дунне тодйз, куректэ крезьгурчи. Зэм ик-а Шостакович пумиськылыз Набоковен, зэм-а Набоков ЦРУ-лэн адымиоз вал? Көнъяз та произведениын малпамын авторен, нош кыгче учыръёс Д. Шостаковичлэн улоназ зэмзэ но вал?

Романлэн «Машинаын» люкетаз асьмеос адзйськом пурьыстам, пересъёмем, но чылкыт тусо воргоронэз. Чебер «иномаркаен» со ширтэ Москва кузя кыгче ке собрание, бордаз - личной шофёр. Табере Д. Шостакович - коммунист, со трос гожъяське «Правдае» (зэмзэ вераса, гожтыське кинэн ке дасям текст улэ), егитъёслы валэктэ, кыгче луыны кулэ советской музыка, мукет крезьгурчиослэн тузй машинаоссылы вожъяське... Улэп кылемед, калык радъя улэмед, произведениостэ радиоысь кылэмед потэ ке, системалы нялтас луытэк öвöл... ***



ВУОНО НОМЕРЫН

Грак ёросысь Вужгуртысь В. Черемных, 3 оже пырыськыса, улэп кылиз. «За отвагу» медален пусъёмын.



№ 12 (25529)
2017-тй ар 21-тй тулыспал (февраль)



1915-тй арысен



1917-тй арысен 1918-тй арысен 1918-тй арысен 1918-тй арысен



1930-тй арысен



1943-тй арысен



1992-тй арысен

Учредители:
Государственный Совет
Удмуртской Республики
Правительство
Удмуртской Республики
Главный редактор
З. К. Рябинина

Адрес редакции-издателя:
426008, г. Ижевск,
ул. К. Маркса, 274
www.udmdunne.ru
e-mail: udmdunne@yandex.ru
Газета отпечатана в
ООО «Феникс»
610000, г. Киров, ул. Мостовая, 32/17

Телефоны:
73-33-44 - гл. редактор
73-33-42, 89511953765 - приёмная, ре-
клама, зам. гл. редактора
73-33-46 - отв. секретарь
73-33-43, 89511953766 - корреспон-
денты
73-33-41 - бухгалтерия

Индекс: 11597, 54400
Тираж номера 1300
Заказ № 176
Объём 2 п. л.
Цена свободная
Подписано к печати - 18.00
По графику - 18.00

Мнение авторов не всегда совпадает с
мнением редакции
Использование материалов допуска-
ется только с разрешения редакции
Материалы, публикуемые с пометкой
«Д» и «Реклама», печатаются на дого-
ворной основе.

Газета зарегистрирована Управлени-
ем Федеральной службы по надзору в
сфере связи, информационных техно-
логий и массовых коммуникаций по
Удмуртской Республике
Регистрационный номер
ПН №ТУ18-00646
Рекомендовано для чтения с 12 лет